



ALJAZEERA

 UŽIVO



Balkan

Baštalište – poljoprivreda u srcu Beograda



'Baštalište' uređuje javne površine u Srbiji

29 Jul 2014

Ažurirano: 23 Apr 2017 04:30 PM (GMT+2)



Zapuštene javne zelene površine neizbježan su, a još manje privlačan prizor u gradovima u Srbiji. Izuzetak ne čini ni glavni grad. Učesnici projekta Baštalište, koji se godinu dana provodi u Beogradu, nude rješenje – poljane pod korovom pretvaraju u baštenske zajednice.

Na gotovo 45.000 hektara Palilula je najveća beogradska općina. Na njenoj teritoriji zapuštene javne površine nisu rijetkost, ali na jednoj od njih, u naselju Slanci, umjesto korova sada niče organsko povrće.

Katarina Milenković, učesnica projekta Baštalište, potrošila je skoro dva mje-

seca da raskrči parcelu i dovede je u sadno stanje.

A sadi se sve, od paradajza i paprika do raznih kupusnjača i kadifica.

“Za bavljenje organskim [baštovanstvom](#), kažu ljudi iz Baštališta, nije vam potrebna neka posebna stručna sprema. Dovoljna je samo dobra volja i, naravno, pomoć nadležnih gradskih vlasti, ne bi li što više zapuštenih urbanih prostora bilo pretvoreno u bašte poput ove u Slancima”, izvijestila je iz Beograda novinarka Al Jazeera Anne Marie Ćurčić.

Saglasnost vlasti

Potrebna je, prije svega, saglasnost gradskog Sekretarijata za zaštitu životne sredine, gdje kažu da su projekti poput Baštališta višestruko korisni.

“Urbana ekologija, pre svega, zahteva zelene površine, koje, osim estetskog, imaju i svoju drugu funkcionalnu namenu, privrednu i ekonomsku. Težak je ekonomski ambijent i čak i tako mala, tako mikrodelatnost doprinosi kućnom budžetu”, kazala je Jasmina Madžgalj iz beogradskog Sekretarijata za zaštitu životne sredine.

Pored toga, Baštalište znači i promjenu načina življenja, bliže ljudske veze i kontakt s prirodom koji nedostaje u gradu.

Aleksandra Milojković je rekla: “Shvatila sam da u ovim urbanim sredinama, kao što je Beograd, velikim gradovima, mnogo smo otuđeni. A kada izađemo na zemlju uopšte nije bitno kako ste se obukli, kako izgledate, bitno je da li sam iščupala korov, da li imamo dovoljno vode da zalijemo i svako od nas se raduje kada krene da nam raste paradajz, tikva, bundeva... E to su stvari za radovanje.”

Radovanje će biti još veće, kažu ljudi iz Baštališta, kada u Srbiji koncept urba-

nih baštenskih zajednica bude raširen kao i u svijetu. I kada, osim verbalne, od nadležnih dobiju i konkretniju vrstu pomoći, poput ustupanja zemljišta. Za novac će se, kažu, pobrinuti sami.

Poput susjeda u Hrvatskoj, gdje je besplatnim ustupanjem gradskih zapuštenih zelenih površina za samo dvije i po godine niklo više od 2.000 baštenskih zajednica.

Izvor: Al Jazeera

POVEZANE

Urbana poljoprivreda u centru Banja Luke

Grupa Banjalučana osnovala nevladinu organizaciju, obnovila plastenik, uzgaja voće i dijeli ugroženima.

13 Jul 2013



Organskom hranom do uspješnije prodaje

Suša je u Sjedinjenim Državama oštetila usjeve i podigla cijene hrane. Međutim, farmeri koji uzgajaju organsku hranu kažu da prolaze bolje od svojih kolega koji se bave komercijalnom proizvodnjom. Za to mogu zahvaliti alternativnim metodama uzgoja.

30 Sep 2012




Mladi u BiH pokrenuli organsku proizvodnju



Mladi i bit pokrenuti organska proizvodnja

Pokrenuti posao nije jednostavna odluka, a grupi mladih ljudi to je predstavljalo izazov. Odlučili su da se bave organskom proizvodnjom. Društvene mreže pomogle su im u razvijanju biznisa. Priča Aksela Zaimovića.

07 Mar 2013



VIŠE IZ RUBRIKE BALKAN

Ambasada SAD-a: Secesionisti iz RS-a pokušavaju preuzeti državnu imovinu



Utvrdjuju se uzroci nesreće u Malom Lošinj, nadležni poručuju da je sistem siguran



Radnici 'Košute' ne odustaju, ponovno blokada puta



Transplantacija organa u BiH: Put do ozdravljenja pun neizvjesnosti



POPULARNO

MIŠLJENJA

Drugo poniženje Putina na njegovom terenu



Najmanje 25 Palestinaca ubijeno u posljednja 24 sata



Napad na Kursk jedna od najrizičnijih odluka Zelenskog



Newsweek: Ukrajina imala najbolju sedmicu u ratu protiv Rusije



O nama [▼](#)

Povežite se [▼](#)

Naši kanali [▼](#)

Naša mreža [▼](#)

Pratite Al Jazeera na:



© 2024 Al Jazeera Media Network